

武陵縣志卷二十二

列女志

節婦

明

張氏林德成妻年二十夫卒舅姑欲改適之氏斷指自誓其孤鳳儀至宣德朝以賢良徵用

黃氏衛指揮徐瑄妻夫以備禦潯州歿於陣氏撫孤壘襲其職後亦歿於潯復撫其幼孫歷節四十餘年嘉靖中旌

萬氏舉人陳大韶妻夫卒氏年二十七有諷其更適者氏勃然曰吾舅姑止一子恃我以老此言何為發其人慚而退撫其子祿

武陵縣志

卷二十二

登嘉靖乙酉鄉薦

劉氏龍凌霄妻生子甫三月凌霄疾篤歎曰吾死幼子誰託氏泣曰君脫不幸妾忍負君凌霄尋卒氏年二十五撫其子德正列諸生嘉靖中旌

王氏楊應期妻年十九而寡誓死不再適撫其遺腹子曰孝列諸生孫伯高萬思庚子舉於鄉

陳氏衛百戶劉達妻年二十而寡撫孤子又卒復撫孫得列諸生嘉靖中旌氏壽九十見其曾孫崇信舉於鄉

諸氏諸生李登雲妻年二十四而寡教長子嗣先籍於庠次子嗣宗亦有時名三子嗣璘亦膺選貢後嗣宗俱殉國難





陳氏陳其道庶母憫其道彌月失母辛勤撫育及六載其夫又歿家更貧氏以養以教至於成立

劉氏廩生楊歸儒妻歸儒有才名臨歿期期不出口劉解其意曰君若有不測吾當誓死以守歸儒撫床大呼曰吾目其瞑矣時劉年十八子尙未週氏卒撫之成立後姪楊鴻楊鶚欲上其事請旌劉拒之年八十九終

敖氏唐誼妻止生一女誼殉國難氏以女妻龍之澐之澐又死於兵氏與女相依俱完其節

向氏李開先妻年二十一而寡子允甫二歲撫之後得餼於庠

李氏譚徵言妻年二十七而寡遺孤繼周氏撫之至成立後繼周

武陵縣志

卷二十二

二

之鄖西沒於其妻鄧氏欲從死李哭曰汝從夫死得矣將以藐孤累我耶鄧年二十九與姑苦節終身

國朝

譚氏諸生唐偕妻進士譚性學孫女年十九而寡撫其孤子祚培膺康熙壬子選拔氏守節五十餘年獲旌

陳氏楊山樞妻年十九而寡適流賊陷常德氏攜其孤農基走辰溪厥後農基又卒氏撫其孫紹登康熙己丑進士累官布

政使

靳氏張玉璿妻年二十二而寡異逆之亂攜其子避走賊追之急赴急湍中得岸旁垂枝援之免復逃深山路遇虎虎改道躍去



人以爲苦節所感

熊氏劉體寅繼妻年二十四而寡撫前妻子應箕及己子應采應奎俱列諸生

潘氏徐昌盛妻年二十九而寡無子吳逆之變氏度舅姑老不能避賊至操刃而前曰免我舅姑吾請死賊歎爲孝婦釋之

謝氏諸生龍之濤妻年二十而寡撫兩孤於間關亂離中俱獲成立

譚氏陳之鸞妻年十八而寡舅姑以家貧恐不能守婉諭使嫁氏泣曰婦所以不死者以舅姑在今言若此何以生爲舅姑乃不復言氏撫孤大彥成立獲旌

武陵縣志

卷二十二

三

常氏楊系妻年二十八而寡教子仔曾成諸生獲旌

李氏項大模妻年二十八而寡遺腹生應昌卒撫之有成

祝氏楊萬遇妻年二十而寡撫姪支培爲子成諸生後赴秋試溺於洞庭祝號慟經月卒媳項氏年二十二承姑志撫子珍成立列諸生不數歲珍又死珍妻徐氏年二十二項又與撫孤孫世祿卒貢成均

周氏陳人龍妻年二十四而寡子瑛纔八月氏事翁姑生歿如禮姒郭氏亦孀居歿窳甚棺衾皆氏任之後獲旌

劉氏吳世紳妻年十八而寡遺腹生子卓娶媳唐氏生子廷策方五歲卓又卒廷策娶婦生子任方六歲廷策又卒劉與唐撫任



成立後俱膺 旌

楊氏朱愈瀄妻早寡遺腹一子矢志撫之孫雲煥登乾隆壬午鄉薦婦年八十餘卒

劉氏諸生陳士頌妻早寡家甚貧盛寒聚雞毛以溫子足二子儒儀俱列諸生

印氏季方泰妻年二十六而寡撫其週歲子松卒貢成均請 旌於朝

陳氏梁國朗妻生子朝楠未週而夫故氏撫教之甫弱冠爲邑諸生尋病歿又撫孤孫復列於庠後獲 旌

龔氏樊維都妻年二十一而寡生遺腹子撫之長就傅歸必督之

武陵縣志

卷二十二

四

中員程後得列諸生氏年六十九卒後獲 旌

梅氏諸生劉和義妻年二十六而寡無子繼其姪復天有疑其意變者令其母探之氏聞遽投河以救免年七十五卒獲 旌

余氏楊之峴妻年二十四而寡生子浩父母以家貧諷其再適氏泣不從以節獲 旌

萬氏聶愈恬母年二十六而寡愈恬時方五歲堅志撫之後列諸生請 旌

夏氏顧其言妻生子應松甫一月而夫卒氏忍饑茹苦撫應松娶於張未三十又卒其婦張氏亦無異志後其子世璠登雍正壬子鄉薦請 旌其祖母並其母



余氏黃啟翼妻年二十三而寡有諷以再醮者不可後其子志遠  
列諸生請旌之

楊氏監生龍昭明妻年二十七而寡有遺腹尙未生姑命撫其姪  
爲嗣旣而生子待之如一體家計頗裕親鄰有乏輒周之

楊氏裴蠶妻年二十二而寡撫孤子鏌登武進士科官至都司

李氏陳士漢妻年十八而寡子統甫三月家窘甚卒撫其子成立  
柴氏邢嘉謨妻年二十二而寡子銳方在抱撫之娶婦楊氏未幾  
銳歿楊亦矢志不貳與姑相依終身

邱氏王勝先妻年二十五而寡遺孤登楨撫之成立事姑尤孝養  
備至姑病危刲股雜藥進

### 武陵縣志

### 卷二十二

五

陳氏廖士虎妻年二十一而寡子方週歲越六載子又天嗣姪維  
理爲娶媳周氏生二子維理又卒婦亦踵姑志

陳氏梁國亮妻年二十六而寡遺孤鰲甫月餘家貧無以營葬氏  
積紡績贖三年方葬之

楊氏徐禹汲妻年二十二而寡生子樹人甫一月茹貧守節姑病  
十年事之倍謹

王氏唐再采妻父瑛爲曲沃令再采贅於署氏請偕夫歸養年二  
十八夫卒二子尙幼氏截髮死守教二子俱有成卒年六十

汪氏覃煜妻父浩爲御史其舅覃尙錦亦知泰順縣氏年二十四  
煜卒遺子陞元甫九月後娶偃師縣知縣郭振女生子學顏方



七歲次猶在抱陞元復卒郭年二十八姑婦相依以終  
貴氏曾之珙妻年二十而寡遺孤萬選甫五月及稍長遇忌日輒  
取夫遺籍陳於庭使其子泣拜萬選因感奮得列諸生  
邢氏舉人龍英明妻年二十八而寡撫兩孤俱天因以姪光奎爲  
嗣光奎入縣庠復卒又撫孫尙鏗成諸生後獲旌  
高氏趙偉妻年十九而寡無子爲夫立後守之厥後所立子又歿  
氏仍堅守終身

陳氏李如楫妻年十八而寡立夫兄子本固爲嗣

蕭氏戴大善妻年二十一而寡與妙同守節三十餘年立姪有權  
爲嗣列諸生

武陵縣志

卷二十二

六

譚氏戴大觀妻年二十八而寡教其子有班廩於庠年三十餘又  
卒婦陳氏亦能踵姑志

馮氏戴如鼎副室生二子年二十一夫故嫡亦繼歿氏撫子洪恩  
登乾隆己酉武舉

陳氏諸生戴煥彩妻年二十一而寡遺孤大開大昕開中乾隆己  
亥武舉所膺乾隆己酉拔貢

周氏姚宗期妻年十九夫卒遺腹生一女氏投繯者再歷十八載  
以沉疴終

胡氏陳瑛妻年二十六瑛以遠貿故於外氏立其姪天祚爲嗣既  
娶婦舉二子天祚與婦相繼故胡撫教其孫世昌以文名一時



婦年七十餘卒

史氏陳儒禧妻生一女儒禧邁弱疾

歿遺腹生子有詡長

爲娶李氏

生子開朗甫三月有詡又卒史率李撫開朗後餼於庠

李氏諸生吳之鵬妻年二十九而寡所生三子皆相繼徂氏孑然一身因立夫弟子承伯爲嗣卒年六十九

曾氏諸生朱必赤妻生子世錦年二十八夫卒氏欲從死者數翁婉諭之得不死年七十餘卒

王氏匡應杞妻年十九而寡撫遺腹子娶於陳生一孫子旋故陳年方二十三偕姑守節歷五十年卒

武陵縣志

卷二十二

七

劉氏王崑華妻夫遊幕故於外氏年三十四撫其子敬禧列歲貢生孫慎旬登乾隆己酉鄉薦

王氏陳家訓妻年二十四而寡屢求死翁姑止之日上有垂白下有遺孤汝死將何託耶乃強起年六十餘卒長子善紳郡廩生姚氏戴循道妻夫卒氏撫孤子娶婦見孫臨歿以衰翁在堂不克終身爲恨

楊氏戴孔淑妻年二十適戴甫七月夫卒無子依其父健以居性嚴肅鄉黨推爲女宗年六十有九卒

梁氏楊文範妻年二十八而寡立夫兒子丕升爲嗣後列諸生氏七十五卒



章氏黃煦妻生子元惠甫三月夫卒氏誓死守其姑得痼疾支離床褥氏侍卧起者六年迄元惠就學婦待師甚謹及課其孫亦然後孫大鏞補郡庠生

楊氏蔣大鷗妻貢士楊纘女年二十一夫卒子方春甫週氏撫之成立

蔣氏白簡妻年二十四而寡子謙甫三月氏獨理家計歷三十年陳氏諸生彭作舟妻年二十五而寡一子甫七月撫之成立娶婦楊氏得孫二子又卒楊亦甘死守

翁氏楊綱妻年二十八而寡撫子淑曾爲娶婦無子年四十餘相繼卒氏依其女以老年八十餘卒

武陵縣志

卷二十二

八

李氏翁映璧妻年二十七而寡無子其姊劉氏爲映台妻亦年二十七而寡皆守節五十餘年

周氏張源妻年二十七而寡撫子純熙娶婦胡氏早死繼李氏得一孫方二歲李旋卒又賴氏撫之氏年七十餘卒

王氏戴昭權妻年二十四而寡一子二歲又殤氏立夫兄次孫承祀

駱氏趙啟廣妻年二十八而寡長子應化娶婦周氏生一子方五歲應化又卒姑婦相依以守

吳氏劉如峻妻適劉越兩月卒氏年十九父母令改適氏堅志不移立夫兄子陶瑞爲嗣歷節三十餘年



李氏朱必聘妻年二十四而寡立夫兄子世望爲嗣後列武庠氏年七十餘卒

宋氏聶愈洙妻年十九而寡遺孤甫一歲氏備歷諸艱家亦漸起戴氏諸生聶愈游妻氏年二十歸聶甫三月夫卒無子夫有前妻子攀元氏撫之得列邑庠娶婦貴氏生二子攀元又卒戴率婦又撫幼孫成立年八十二卒

王氏李昌麟妻年十八歸李生子三夫卒氏年二十四餽粥常不給卒終其節年八十二

李氏楊萬經妻年十八而寡子世龍甫三月氏矢志撫之以紡績給衣食歷節十年卒

武陵縣志

卷二十二

九

楊氏張廷勝妻年二十一而寡惟一子撫之成立年八十一卒

劉氏楊耀金妻年二十五而寡無子翁姑憐之令再適氏不從立姪爲後爲娶婦得二孫婦旋卒氏年踰六十以節終

楊氏監生聶愈悵妻年二十八而寡無子立姪子由桂爲孫年八十二卒

羅氏武生覃光寶繼妻年十九歸覃甫一歲夫卒撫其遺腹子鍾衡年五十八卒

蕭氏諸生熊國泰妻年二十八而寡孤子宗文幼捐資修發旌袁公兩石橋旌里賢之

楊氏曹士驢妻年二十六而寡子廷聘甫三月撫之成立娶婦朱



氏廷聘又卒遺腹生子毓元楊又率朱撫之

謝氏劉國江妻年二十八而寡子之樂甫一歲教之克有成

劉氏許時習妻年二十而寡氏撫其子爲娶婦得三孫子又卒氏率婦撫其三孫皆成立見曾孫氏始卒年八十有五

熊氏諸生胡啟心之母年二十四而寡撫教其子啟心得列邑庠壽躋百歲

熊氏監生熊際隆妻年二十六而寡有子三撫之成立曾捐貲修縣南十五里楊家石橋

陳氏毛學讓妻於歸甫三月夫卒無子父母欲其改適不從卒年五十二

武陵縣志

卷二十二

十

余氏嚴起鳳之母年十九而寡起鳳爲遺腹子生計窘甚嘗日不舉火家人欲氏改適氏剪髮自矢年八十餘卒

陳氏毛仲玉妻年十九歸毛生子甫過而寡及子娶婦生二子後又故媳年二十四婦姑相依以守

楊氏曾可琛妻年二十七而寡撫遺腹子一貫後登嘉慶戊午副榜

曹氏戴廷兆妻年二十四而寡生一子其夫兄欲奪其志每遇以無禮氏安之母家頗裕常終歲不一歸

龍氏戴儒道妻年十七歸戴夫清癯善病其兄依道娶詹氏生子二子而詹死依道目旋瞽未幾儒道卒氏年二十五遺三女無子



兩姪又相繼為氏為依道納遣室甫生子遣室殞氏為代鞠之  
楊氏明星煥妻年二十於歸越五年星煥遠遊不歸氏歸母家縫  
澣度日每遇夫家先人忌日猶必薦之

顧氏裴志汶妻年十七歸裴越三年志汶往揚州行次潯陽舟覆  
死氏悲慟幾絕誓死守

周氏劉師聖妻年三十夫卒氏教其子達升列邑庠年二十七又  
卒復撫其孤孫文炳充嘉慶癸酉選貢生

姜氏諸生龍鈞妻年十九適龍甫生子而夫卒氏教子成立列諸  
生年二十餘又卒其婦與之同撫孤孫

胡氏陳九騏妻年十八適陳生子甫四歲而夫卒胡撫孤子及冠  
武陵縣志 卷二十一 十一

為娶陳氏未踰月子又卒胡謂程曰前者我寡幸有子汝今何  
守乎程曰姑在婦安往爰立從姪錫為嗣後登乾隆甲寅副榜

裴氏廩生覃志彭妻年二十九而寡立姪光著為嗣光著官廣西  
經歷

劉氏增生覃璠妻年二十八而寡生二子長志遠娶巨氏次志立  
娶林氏巨年十九而寡林年二十九而寡林三子光朝光祖光

國俱成立朝娶喬氏年十八而寡祖娶周氏年二十八而寡國  
娶梅氏年二十而寡蓋四世七節云

王氏諸生覃志毅妻年二十二而寡無子立姪際泰為後歷節三  
十三年際泰登仕籍氏受賜封



姚氏諸生賴文華妻年二十五而寡無出立夫兄次子國英爲嗣  
娶媳覃氏年二十三而寡撫其遺腹子年八十二卒

樂氏萬之紱妻年二十八而寡子逾尙幼及長娶岳氏生子師文  
逾旋卒岳時年二十九師文後列諸生娶張氏生子善明師文  
又卒張時年二十六三世皆以節稱

蔡氏汪重聖妻年二十六而寡有勸其改適者氏不從撫孤子克  
有成

章氏汪文輝妻年二十八而寡足不踰閭外者四十餘年

史氏陳有証妻年二十二而寡遺孤復天立姪定元爲嗣後列邑  
諸生氏歷節三十餘年

武陵縣志

卷二十二

十三

沈氏楊汀妻生子早天年二十四而寡立夫兄子爲後歲凶人勸  
改適氏堅不從年六十二卒

李氏丁欽淮妻年二十四而寡立姪爲後家素裕勤儉自持動必  
以禮年七十餘卒

丁氏戴朝貴妻年二十而寡遺腹生子天不再適歷二十餘年

石氏廩生丁希傳妻年二十七而寡有三子俱幼堅持苦節凶歲  
茹草自甘鄉里稱之

涂氏聶由柱妻年十六適柱歲餘生子自超甫七日夫卒氏矢志  
奉姑子長勗之以學

陳氏諸生歐陽和妻年十七而寡撫其遺腹子列諸生年七十三



卒

丁氏諸生李永命妻年二十一歸李三月而夫卒爲夫立後以守  
年七十一卒

蕭氏陳三元妻年二十二而寡子幼家貧以紡績度日歷五十餘  
年

劉氏吳山嶠妻年十七適吳夫性侈蕩不治生理邁疾而卒僅遺  
二女氏茹荼自甘數十載

趙氏柳培福妻年二十四夫卒遺二子長三歲次未週娣數懇於  
姑姑遇之虐欲嫁之氏以死誓乃止逮姑染惡疾不能起氏侍  
湯藥積晝夜不倦姑感呼孝婦後二子皆成立有四孫年六十

武陵縣志

卷二十二

十三

餘卒

張氏何起英妻江西撫州人隨父賈湖北利川起英亦客於此氏  
遂歸起英生子方一月而夫卒氏年十八攜子歸武陵夫兄欲  
奪其志不可子年十九復卒遺孫一未週氏又偕媳吳氏撫之  
成立

劉氏王應節妻生一子夫卒氏年二十六子娶婦未幾又卒遺孫  
數歲撫之成立歷節四十餘年

曹氏王佐妻生二子夫卒氏年二十一家甚貧終不易節

劉氏毛鴻謨妻生三子夫卒氏年三十至七十九卒

鄒氏王桂妻年二十四夫卒遺一子越二年又天氏痛絕不食者



八口守節五十餘年

歐陽氏彭孫善妻歸彭未一月而夫卒翁姑欲奪其志氏觸柱幾死後立夫兒子爲後娶媳沈氏年踰二十亦寡姑婦共守焉

曠氏王承訓妻年二十六夫卒遺一子方七日氏撫之以守

龔氏彭寅古妻年二十二而寡子備遺腹生未幾姊黃氏亦寡遺腹生子道龔與黃共矢靡他戚黨或恤之必固謝曰貧所自且可令兒曹習勤苦人多稱之

左氏彭超凡妻歸彭月餘夫卒氏哭絕復甦屢以身殉爲人覺不果立夫兄子爲後適江驟漲廬舍盡漂姑溺於水躍身救之流

武陵縣志

卷二十二

十四

數里復浮出俱無恙歷節三十餘年

貴氏陳興宗妻年二十歸陳月餘夫適蜀不歸氏守義終身

冀氏陳鍊虞妻歸陳七載夫卒子甫五歲誓撫之後爲娶其姪女生子數歲子又卒氏再撫孤孫年七十卒

徐氏拔貢生陳詩浩繼妻年二十夫卒閨門內外無敢妄出入者所服物他人偶持去卽毀棄之年五十餘卒

歐陽氏陳之化妻年二十六夫卒一子早夭後立二子皆列邑庠年五十六卒

成氏陳林元妻年二十六夫故子三歲撫之成立卒年八十三

胡氏楊日祥妻年二十三夫卒僅遺二女以夫兄子爲後歷節四



十餘年

陳氏楊湄妻年二十四而寡子甫二歲家貧茹苦翁姑令改適氏不從

梁氏陳增榜繼妻年二十四夫卒貧無所依以針黹爲生歷節三十年

趙氏段嵩年妻年二十九而寡子治安甫週教育之任澧州營干總觀察臧縈青爲作節婦傳

戴氏段華年妻年二十四而寡立子守節歷四十餘年

裴氏楊秀妻年二十二夫卒無出家甚貧不再適

顧氏梅迎春妻年二十六夫卒僅遺一女立夫兄子山据爲後列

武陵縣志

卷二十二

七

諸生

萬氏王家許妻年二十二而寡一子亦天氏與婢相依終身踰五十年

謝氏堵鍊妻年二十三生子一夫卒夫弟亦繼喪其妻楊氏與謝年相若俱以節著

劉氏沈正妻年二十二而寡撫遺孤登仕籍歷節四十餘年

戴氏劉開成妻年十九夫卒越數月生一子未幾夫兄嫂相繼逝遺男女各一氏兼撫之歷三十年卒

歐陽氏龔世師妻年二十六而寡遺孤一舅姑皆老氏慈孝兼盡年六十卒



戴氏吳尙賢妻年十九夫卒遺孤兩月餘翁姑相繼歿家貧無依  
歷三十餘年不渝其節

徐氏譚祖瑜妻年二十四而寡遺孤子二伯叔欲奪其志氏隱知  
之因別葺茅舍常臥草中三旬九食卒撫其子成立歷節三十  
餘年

莫氏劉福禮妻年二十三歸劉一載夫亡無出人勸母自苦氏守  
志益堅一日同姑往山中採栗實遇虎欲噬孤氏哀伏求代虎  
旋去歷節四十餘年

蕭氏莫賢旆妻生一子夫卒氏年二十三姑病齒盡落氏以口咀  
食物供之二十年如一日年八十餘卒

武陵縣志

卷二十二

六

馮氏莫賢英妻年十九夫卒舅姑俱歿人欲奪其志以死拒之依  
母家撫其子年七十餘猶勤紡績

徐氏莫賢芸妻年二十生一子士原方五日夫卒後士原有學行  
皆一秉母教

王氏莫及儒妻夫卒氏年二十五生子女各一藝園度日家漸裕  
歷節四十餘年

李氏莫及幹妻年二十二而寡遺腹孿生二子姑性嚴少不如意  
輒撻之氏愈恭謹課子讀倦則自刺其肱二子感奮得以有成  
梁氏莫賢儁妻生一女夫卒氏年二十四立其猶子爲後事病姑

尤盡孝歷節三十四年



袁氏諸生莫賢德妻年十八歸莫生二子後夫卒氏孝於其姑姑病足且廢氏扶持之不少怠卒年六十餘

梁氏莫士瑛妻歸莫二載夫染疾氏知不能起遂對夫截髮以明志夫卒遺腹孿生二子訓之有方長廷魁列邑庠氏歷節三十餘年

劉氏諸生莫賢偉妻年二十適莫生子文曦夫病五年卒氏矢志不渝教子得列諸生歷二十五年卒

譚氏莫士琥妻年十九歸莫方二載生一女夫卒姑早歿祖姑衰且病氏日哺飲食之歷節三十餘年

陳氏覃復元妻生一子夫卒氏年二十五姑病噎每食必避人惟武陵縣志

卷二十二

氏飲食之乃安  
陳氏龔必位之高祖母與其曾祖母陳氏祖母譚氏俱年未二十餘夫卒俱守節

李氏龔自玉妻母家豐於財歸自玉貧甚氏屏鉛華勤操作生二子姑卒自玉亦嘔血死氏孀居四十餘年未嘗一修容飾

雷氏胡宏烈妻年二十五夫卒子甫二歲舅姑皆老家甚貧氏支持門戶歷三十餘載

陳氏文宗同妻夫困童子試遠適蜀以客死舅姑欲奪其志氏不可以夫弟子元采爲嗣得列諸生

曠氏胡承棠妻年二十一而寡翁憫氏年少無子諭令歸母家氏



知其意泣請從一而終立夫弟子爲嗣年六十餘卒

王氏陳九鼎妻年二十二而寡一女亦天立夫弟子爲後歷節三十五年

何氏鄔有馮妻年二十四而寡遺一子幼舅姑諷令改適氏不從後其子殤以夫弟子緯爲後年五十四卒

郭氏李世相妻生子甫八月夫卒氏年十八家極貧姑待之虐氏委曲承順姑亦爲所感晚病癱氏左右就養者六七年姑悔曰吾幾失孝婦氏年九十餘卒

王氏周應仕妻年二十二而寡與姑同臥起立夫兄子爲後

周氏易宗化妻年二十三而寡一子甫歲餘又遺腹生一子氏撫

武陵縣志

卷二十二

七

之長勉之學後二孫列諸生年九十五卒

丁氏魯仁蘭妻年二十九夫卒一子甫週家貧甚夫叔欲奪其志氏以死自誓至老猶勤紡績

黃氏胡應治妻年二十三而寡守節不再適

陳氏丁士鳳妻年二十二而寡遺襁褓子姑欲奪其志氏泣謂人曰夫儒者吾再適是辱之也遂守節終身

周氏楊景醅妻舉人楊璋彖媳年二十三夫卒身不出閫外兄弟至亦隔帷語翁令以叔景閩子爲後及景閩歿無他出氏曰吾有後顧令叔無後乎還之然撫育仍如前年七十餘卒景曠妻阮氏年三十八而寡其操行與周等



嚴氏王姬年妻徽州進士嚴鸞女幼知書史年十九歸王二十四夫卒子師僅二歲教之有成氏年八十二卒

陳氏阮錫祚妻生二女姑程氏以子孱弱欲急得孫將爲之納側室慮氏不歡微示以意氏曰媳蓄此念久矣爲納梅氏生子甫四歲而夫卒陳氏年三十撫其子至於成立年八十七卒長孫世昌次孫世曹又相繼歿孫婦皆陳氏亦繼姑志兩世益四節云

袁氏莫及銘妻年二十三而寡舅姑素反目氏積誠解之

莫氏蕭祖茂妻生二子年二十六而寡耐貧守節偶鋤園得四十餘金因權子母以裕生計凶年且分餘貲周貧乏者歷節三十

武陵縣志

卷二十二

十九

餘年

方氏諸生梁一棟妻年二十二而寡遺腹生一子舅老且病氏夢燕山薑可愈進之而病痊氏卒年七十五

石氏戴孔燮妻年十七適戴夫疾革託氏以其親年五十二卒屬續時以未終親養有負夫託爲恨

羅氏陳樹榭妻年二十而寡隨翁徙桑植二十餘年朝夕拮据浸以贍足翁歿扶櫬歸里舟遇風鄰船多覆氏泣禱於神頃之風靜

畢氏王信妻湖北黃岡畢士範女士範從叔父任沅州愛武陵風土家焉氏十三歲適王生二子年二十三夫卒家甚貧妣諷之



改適氏誓死不從紡績灌園以活歷四十餘年卒

李氏崔國楠妻年二十四而寡子僅三歲其母家咸勸改適氏誓不從歷節五十三年

熊氏錢有禮妻生一子年二十二而寡家甚貧不再適

鄭氏李應奇妻生一子年二十一而寡子之龍娶於陳生三子一女之龍又卒陳氏年二十八與姑共守

蕭氏徐禹洙妻年十九而寡子樹梓甫週歲勗子以學後樹梓任攸縣訓導孫鵬中壬午副榜氏年八十四卒

黃氏高應翥妻年二十而寡生子二歲復天氏哀慟幾絕伯姒曲解之後與姒禱於祠越年生子因立爲嗣撫如已出年五十一

武陵縣志

卷二十二

三

卒

楊氏高應朗妻年十九歸高六月而寡姑憐其少欲嫁之氏不從事姑益謹姑爲立嗣年五十五卒

蘇氏高時亮妻年二十而寡遺腹生女姑欲奪其志氏泣不從撫其姪爲子卒年七十餘

高氏郭紹妻年二十四而寡遺腹生子撫之至有成

陳氏覃國相妻年二十三而寡子光宇甫兩月歷節四十餘年

陳氏周銘妻生二子銘往溷不歸氏年二十餘撫其子爲娶婦後二子相繼歿僅遺一孫與媳華氏共守之



張氏郭撰妻解吟事生一女年二十四而寡於其女於歸日賦詩  
云天上修文亦樂居惟憐曙後一星孤荆釵裙布完兒女不識  
幽魂得慰無氏年六十四卒

王氏陳士選妻未三十夫卒翁爲立嗣踰年天更立他子甫婚又  
卒氏與媳郭氏立孫以守

童氏歐陽應偉妻年二十五夫卒遺孤二教之有成次子成歲貢  
生氏年五十五卒

梁氏袁國用妻年二十方適袁時國用病不能成禮未幾卽卒婢  
有遺腹生子朝杰其婢旋亾氏撫之成立

黃氏周紹妻年十九而寡嗣夫弟子爲後爲之娶婦未幾卒僅遺  
武陵縣志 卷二十二 三  
一孫氏復撫之

黃氏沈經邦妻年十六歸沈生子鰲甫十歲夫卒氏撫之援例入  
太學氏年七十餘卒

徐氏楊克紹妻年二十二生一子夫旋卒撫其孤娶婦王生三孫  
其子又卒氏撫三孫有成

余氏楊毓正妻生一女而夫卒時年十九立姪爲嗣後列諸生氏  
年七十五卒

何氏楊毓榮妻年十九而寡立姪爲嗣爲娶婦婦繼亾氏撫之以  
終其節

胡氏楊偉士妻年二十九而寡剪髮自誓撫三歲子有成善綜理



家計

樊氏周道勳妻年二十四而寡撫其子得列邑庠

尹氏陳盛兆妻年十九夫卒子蜀錦甫週歲夫弟亦歿嬖雷氏年二十無子同撫蜀錦後登嘉慶戊午鄉薦數年又卒遺孫三長孫繼雷氏後仍同撫之

楊氏蕭丹朗妻年二十夫卒子文奇甫三月撫之成立爲娶婦楊氏文奇又卒遺孫傑楊依姑以守傑

未幾卒曠亦矢守一家三世以節著

張氏蕭諧妻曉文藝年十七歸蕭生子菁甫週夫卒氏矢志撫之值歲荒嘗發粟以卹鄰里

武陵縣志

卷二十一

三

田氏周道成妻年二十六而寡遺子學淵娶吳氏甫一歲又卒吳年十九遺腹生子姑婦相依守之田年八十卒吳年五十二卒龍氏馮玠妻幼字玠玠以疾廢請辭婚其父欲許之女不可及歸玠氏謹事之舉子二玠旋故氏撫其子元春廩於庠

劉氏張廷柏副室生子二文泰文英未幾廷柏卒氏年二十八撫文泰授府經歷文英授湖北宜昌鎮千總氏年六十餘卒以文英貴贈安人

楊氏李方畧妻年二十八而寡子樹煊甫五歲氏教之成立後舉乾隆丁酉鄉試選鄰縣訓導氏應節三十一年

楊氏堵昌妻生二子昌赴試溺於河撈之數日不得氏痛甚赴水



求之與尸俱出年五十卒

蔣氏吳楠妻年二十餘夫卒遺二子皆襁褓伯兄虐遇之氏矢志不嫁歷五十餘年

彭氏劉之鯤母夫卒時年二十一撫子將有成旋卒其子未幾又天氏慨歎曰吾爲劉氏撫孤立孤勤苦至矣今復何望將所遺產畀育嬰堂自甘淡薄終

堵氏陳雲洲妻年十九而寡翁姑欲令他適氏斷髮自矢立姪均爲嗣歷節二十八年

戴氏梅元音妻年二十三而寡守節五十年卒

伍氏聶方棟妻年十八適聶甫十月而夫卒夫兄以家貧少寡欲

武陵縣志

卷二十二

三

嫁之氏泣不從立夫兄子由朝爲嗣歷五十餘年

蕭氏劉協周妻年二十九而寡嗣其姪爲娶婦生一子嗣子旋故撫其孫孫又故乃立曾孫撫之年八十餘卒

周氏蕭元珙妻長子淑善未二歲次子會善未匝月夫卒氏年二十三以死守

張氏巨澤乾妻年二十二歸巨數月夫卒無子夫弟澤豐生一子欲使爲嗣氏俟再索未得豐旋歿其妻李氏與張同撫弱息歷三十餘年

歐陽氏蕭士璇妻年十六歸蕭五載夫卒撫其遺孤有成年六十  
三卒



李氏鄔士博妻年二十八夫卒遺子一女一氏撫之年九十三卒  
其孫婦毛氏婚未及週夫卒亦守節年六十三卒

胡氏王應祿妻年二十八而寡撫子國幹後援例入監氏年八十  
三卒

劉氏陳大誥妻生女甫週歲夫卒父母及繼姑皆欲奪其志氏截  
髮誓守苦節二十八年

羅氏馬道尊妻年二十夫卒家貧無立錐族人勸其他適氏不從  
日一食無怨言年六十卒

徐氏熊重元妻年二十五而寡撫遺孤振南成諸生

歐陽氏劉維俊妻年十八適劉生子指遠而夫卒氏撫子娶婦生

武陵縣志

卷二十二

二十四

孫三子又歿氏又撫其孫年九十三卒

蕭氏諸生楊丕贊妻生二子一女夫卒氏年二十六撫其子奎爲  
邑廩生

譚氏陳縉之繼室年二十三寡子佑聖觀聖皆幼婦撫佑聖餼於  
庠觀聖後由進士擢簡州牧

陳氏梅山欽之妻欽歿遺腹生子紹英婦撫之爲娶媳生孫不十  
年子暨婦先後歿婦年六十三卒

楊氏蔣金節之妻年十九歸於蔣踰年其夫歿婦一慟幾絕未幾  
遺腹生子遂強起勉自活日誦聲不絕於室多侵婦婦安之猶  
不己析婦以居僅予破甑一折足鏞一婦貰諸鄰得一孟粟以



石支鑿莖豆其而炊之見者皆爲流涕乃遊日夜作苦斬斬持門戶後爲其子娶婦見孫一其婦旋泔泔於沼死婦撫其孫行有成矣忽得疴疾故不數載其子又死婦無所倚依其母家老焉年八十有一卒

羅氏楊清華妻性婉而慧其父授句讀輒解文義歸楊七載寡年二十六嗣舅姑先後歿殯葬一準於禮日課子所肄書能成誦則說否則怒撻之後次子錫光饒於庠有學行舉孝廉方正

覃氏戴昭炯之妻炯甫冠遭疾不起時婦年二十三生子嵩來尙幼課之讀雖嚴寒溽暑不少曠後饒於庠

王氏余文龍之妻歸未久夫旋卒婦年三十哺其子逮成童娶辜

武陵縣志

卷二十二

三

氏而子又歿越數月遺腹生子昌祺姑媳共撫之稍長課之學綦嚴昌祺用淬厲成諸生

張氏陳家德之妻旣笄歸張孝且敬翁姑賢之居無幾寡茹苦舍辛厯六十有二年終其節

陳氏羅超榮之妻性聰穎歸榮甫十旬榮卒先是榮病婦密許以殉旣殮榮婦之父母命小僕至婦屬其市酖鼠葯僕無知市以以來婦顧婢曰安所得酒婢不悟也挈酒以進婦給婢之他所遂扇戶少頃婢呼之不應家人壞門入則已飲酖死去榮死方匝一月也

吳氏唐含章之妻年十七歸唐二載含章故無子撫伯次子華理



爲嗣婦居平言笑不苟雖偶置器物必正接娣姒如賓外戚期  
功之屬罕覲其百年六十五卒祀節孝祠

楊氏鄭耀輝之妻年十八歸鄭越五年輝卒時婦舉一女而復震  
乃勉自活越數月遺腹生一子婦撫之成立平居寡言笑卽期  
服之親未安交一語卒年六十有八

鐵氏諸生周化南之妻歸化南無子化南尋卒家且窘時婦年二  
十九或難其守婦曰吾欲得爲夫後者撫之以延周祀凍餒奚  
恤後族人爲立嗣子文照婦年五十有八卒

蔡氏樊正位之妻歸於位未十年而位卒時婦年二十九有二子  
嘗併日而食人恤其苦婦曰貧吾分也但能撫藐孤成於願足  
矣後年七十有八而卒

武陵縣志

卷二十二

三

何氏諸生岳士鏞之妻年二十歸越十年夫卒遺子二女一皆幼  
弱姑且老婦食貧勵節針刺紡績夜不少休後二子皆相繼補  
弟子員婦年五十有五卒

王氏金泰延之妻年二十歸明年夫卒婦痛絕甦哭日夫有嗣可  
撫不死夫有兄弟之嗣可撫不死不然死吾分也舅姑防之嚴  
越六月婦伺聞飲藥死

巨氏姚廷騏之妻騏病瘵久不起時婦年二十二無子家且落人  
難其守婦自是屏膏沐勤操作甘旨之費率出紡績以此得姑  
歡後嗣夫兄子世縉教之有成



姚氏梅山瑞之妻年二十九寡先是山瑞以嗜書嬰羸疾自知不起深以無子母且老爲憾婦強爲解唯日侍湯藥不懈及卒婦哭曰亾者賚恨無窮所望惟在我矣姑性嚴毅婦事之謹後撫夫兄子南英爲嗣

陳氏蕭文漢之妻年十八歸蕭事翁姑以孝稱生二子一女而文漢故婦年二十八或風之改適婦正色曰吾所以不及相從地下者恐諸孤失所耳何不相諒若此遂日力操作家亦寢起婦年七十有九卒後孫贊先育先曾孫國典元孫鼎南俱列膠庠何氏陳嘉斌之妻年十八歸陳舉一子一女而夫卒年二十三依母家居焉茹苦幾二十年子亦授室且再抱孫矣無何女天子旋歿媳與次孫又相繼死婦年六十有六卒

武陵縣志

卷二十二

七

許氏李光潤之妻歸九年潤卒子興宗甫六歲翁姑且老婦奉色養唯謹教子循循有法同居計四百餘指婦善待之無違言娣姚氏故遺一女婦育之如己出苦節逾二十年

徐氏歸周某生子學溥寡茹苦幾二十年始爲溥娶陳氏陳性勤敏耐操作于歸後日以紡績佐姑爲生三年生子世傑又三年溥卒陳年二十三將殉徐勸止之後爲傑娶於吳生子三而傑卒哭曰天不祚周祀若此耶乃撫三子嚴督教之均以醅謹稱於鄉家亦漸裕

胡氏陳樹桂之妻年十九歸陳踰年樹桂卒婦誓守有爲之慮者



婦泣言若憫我貧耶作苦足以自給憫我無嗣耶他日叔有子  
卽夫子及叔生子卽以嗣婦婦後爲子娶媳生孫增盛徙居城  
鄰不戒於火延燬者十餘家婦舍獨免晚歲見曾孫一心稍慰  
未幾孫殤子亦繼逝婦與孫媳再撫曾孫

其孫媳  
砥節一式婦

戴氏諸生吳茂才景卿之妻景卿以疾卒時婦年二十九無嗣繼  
一子不數年殤婦痛夫後莫續朝夕以淚洗面比舅姑先後歿  
家計益迫藉十指以自給後年六十有七卒

陳氏周汝霖之妻年十九兩值大饑夫兄欲奪其志婦憤甚詣母  
家泣訴之曰吾志必不可二將從亾者地下所繫念者姑與子

武陵縣志

卷二十二

三

無所活耳母家鑒其貞力保之得不死自是茹苦數十年及姑  
終子又生孫婦稍自適無何子故孫且天遺曾孫三婦撫之至  
成立卒年九十有一距夫死垂六十年

周氏華光漢之妻年三十寡時有一子名映柏婦撫之備極勤  
劬幾二十載始爲柏娶鮑氏三年柏故婦哭曰天不欲祚吾夫  
耶已而鮑生遺腹子婦與鮑又撫之以有成婦年六十四卒

華氏陳大文之妻初於歸舅攜眷客他郡將醮婦婦聞之商於夫  
曰嚮身以養親孝也如女子從一何因與文歸依華母以居佐  
文服備爲活旋舉一子未幾文卒婦誓死守婦族義  
其志每仗助之婦性端嚴雖姻婭不妄交一語年七十有二卒



岳氏彭巽乾之妻家故裕適翁姑相繼歿夫亦疾不起時婦年二十九家已中落婦肩萬瘁撫四子迄於成卒年七十有四

陳氏李光宇之妻初宇仕於黔甫二載卒於官時婦年二十四囊無餘蓄百計典質始得扶櫬去黔家窶甚唯以紡績自食撫二子漸成立旋俱夭苦節歷六十年卒

鄭氏程治之妻年二十歸程越十一年夫卒時舅已逝姑老且病子道南生九年每自里塾歸督課之常至夜分不倦後又嚴課其二孫長孫邦杰卒餼於庠婦年七十二卒

易氏李學宜之妻生子宏純甫二齡學宜嬰羸疾卒時家無寸產婦晝夜勤十指輔宏純以迄於成家亦少寬婦仍事操作不懈

武陵縣志

卷二十二

三

年六十有一卒

蕭氏唐志英之妻年十八志英卒遺一子甫八月時姑在堂婦每奉飲食必豐潔小不豫湯藥非親嘗不敢進曰吾以終夫志也教子嚴而有法卒後祀節孝

龍氏戴昭元之妻適昭元未二年寡遺一子亦天玉來者夫之從子族黨命嗣婦撫之歷節三十餘年

張氏龍正位之妻正位嬰危疾卒時婦年二十四家貧日作苦以養舅姑每種蔬新可食熟以進紡織成匹縫紉以進迨翁姑繼逝婦日夜泣因無可嗣者取義子光照輔之

沈氏庠生周世哲之妻歸九載哲卒時有子二長正典次正禮婦



勵志撫之持家井井然生計亦日裕後正典補諸生籍

姚氏庠生樊萬元之妻年二十歸樊踰九年夫卒子二皆幼婦撫之後次子天以長子子嗣其次媳婦與共守日躬操作不懈

袁氏太學生阮方旗之妻年二十四寡方旗病亟謂所親曰死何足惜但不能無憾於黃壤耳婦泣於旁遽曰君母以母老爲憂耶抑二子待成立耶有婦在當使君瞑目也方旗領之而逝至是侍晨昏加謹課二子綦嚴不率教則就夫主前泣責之厯節四十有四載而卒

周氏華枝之妻盛氏華架之妻周姒而盛娣也枝歿周年三十生子二盛共撫之未幾盛又生子方週歲而架卒時盛年十九周

武陵縣志

卷二十二

三

慰之每對泣不能已居平惟以艱苦相勸勉共一燈紡績至夜分不絕聲家頗裕服食一安粗疏蓋勤儉其性然也周卒年五十有四盛卒年六十有一

皮氏田中主之婦年三十一而寡子道珍尙幼婦性儉而能施病且殆爲按田畝之原租而減之計每歲約減十數石病旋愈至年五十有五乃卒

楊氏陳啟勳之妻勳卒子一亦殤乃以姪某嗣婦嚴督之一日子遊於弈婦恚甚至絕粒俟有悛心乃解年五十二卒

楊氏彭心臨之妻年二十七夫故撫其子以備爲生寢致富然亦不壅其積惠積沁里黨間



宋氏李新英之妻年二十八寡撫其子以守初猶貧乏因作苦無  
所夕漸至裕然菲於自奉不以豐蔚易居濱洞庭鄉人頗苦水  
患婦時斥其所有周卹之年八十四卒

賀氏高配祖之妻年二十八寡婦性至孝歸高念其父老無依迎  
養之時高家已落婦以女紅佐之得無歎及夫卒族黨爲立嗣  
至晚歲家漸起年七十有七卒

陳氏儒士戴有馨之妻幼穎慧既長解經史大意歸于戴伴夫讀  
誦聲聞闔外未幾寡時年二十有九子逢辰在乳中姑且老矣  
婦孝慈倍至歷十數年姑逝子亦不祿家重蕩於水婦况愈苦  
節愈堅年七十餘卒

武陵縣志

卷二十二

三

程氏劉昌國之妻于歸十年夫故遺三子長次俱殤家窶甚婦力  
持門戶凡絲粟皆力作得之年五十六卒

周氏唐兆官之妻歸未踰年夫卒遺腹生子啟信婦撫之以迄有  
成奉姑極能適其意浣櫛溫清無違者年六十餘卒

覃氏劉士雄之妻歸三載生一女而寡無子立其姪撫之事姑至  
孝既棄養歲時祭祀先旬日卽戒具至期乃齋肅將事諸女紅  
亦精絕冠其曹偶年七十有八

李氏孫國炳之妻于歸事舅姑晨興敬問衣服食飲寒煖之宜至  
莫亦如之姑性嚴事有不可其意者終日不怡婦侍立其側俟  
語笑復常乃敢退年二十有八夫卒遺子正發婦撫之至於成



嗣家寢起孫曾亦林立婦顧之端坐而逝年六十八

彭氏儒士貴先嗣之妻年十九歸於貴越五年夫卒子玉堂甫四齡婦擇名師課之甫髫年遂成諸生未幾玉堂逝遺孤一長博文次士寬皆幼婦又偕孀媳撫之皆成令器媳郝氏自二十四歲勵節凡一切悉準於婦

錢氏龍澤瀚之妻歸瀚五年而寡以其姪正聰爲嗣後見孫凡六且見曾孫始卒

周氏楊經之妻年二十六而寡撫其遺孤歷艱婁孀姑田旣喪子幾不勝痛婦竟慰其悲思以天年終婦亦年八十卒

朱氏高正嵩之妻嵩業儒未幾病且篤顧謂婦曰吾母老子幼奈

武陵縣志

卷二十二

三

何婦曰君善自保萬一不測吾當終君之事及易簣毀容盡哀逾年子登漢天旋撫姪教之至有成俾入國學婦勵節歷二十餘年

黃氏彭之鴻之妻笄而歸彭年二十四寡子述勳尙幼婦飲泣撫之稍長命就傅子感母意亦知勵學婦事姑至孝凡扶持擁擻不以諉娣姒歲稔採蓼本掇菜根自活而奉養則精潔守志歷二十五年卒

賈氏丁希富之妻歸賈相夫子甚敬己而寡或勸其更適誓死守適歲飢已則半菽事且畜必腆旣頗裕竊喜施親族多德婦年八十三卒



曾氏龔祖寅之妻年十八歸祖寅寅故貧甚婦以十指佐之羞自給未幾夫故時婦年三十一子甫五月難爲生鄉有豪者欲娶之婦矢志不貳偶儉歲三旬九食不言苦也歷節二十年卒

陳氏國學生覃鍾湘之繼室其舅光典丞西蜀初之任以家人從婦朝夕侍最得堂上歡嗣鍾湘歿婦年二十六以節自誓撫前室蕭氏所出之二子一女恩誼有加尤諳禮數舅卒於官佐姑治喪無失禮數千里扶柩歸艱苦備至後孫恩渥由廩貢保舉訓導

楊氏明星煥之妻歸星煥未數年星煥往迹出叻弟于闐久之俱不歸婦茹苦以守父續召與居自勤女工衣食之不爲乃父累

武陵縣志

卷二十二

三

暮歲創小祠奉翁姑及夫主像祀焉一飲食必薦朔望尤虔數十年如一日卒年八十有二

趙氏張文安之妻幼奇穎解吟詠歸於張踰年生一子而安卒時婦年二十一誓志撫孤歷十數年爲子授室見孫三長孫有恆補郡庠生婦年八十餘卒著有諫果軒詩一賦婦字玉英永貞其名

楊氏程國章之妻生子宗伊宗尹而寡方章疾革時以兩子屬婦謂宜嚴教督之後婦誌之嘗泣訓其子曰而可負吾其忍負而父乎二子謹受教婦歷節二十八年

湯氏劉正南之妻年二十一夫故無子撫姪萬邦爲嗣敬事舅姑



姑遘危疾婦私剖左股劑藥愈之年七十餘卒

蕭氏貢生梅山琪之妻年十九歸琪琪父和羹判汝州琪隨侍越數年生子鍾英琪旋病卒婦慟不欲生時姑已歿舅之側宅王多方慰解適彊食息嗣是零丁孤苦訓其子律身必以禮鍾英後補邑庠生未幾亦歿婦苦節計五十餘年

戴氏雷學王之妻舉三子學王卒時婦年二十三姑老且病伯叔皆析居有欲奪其志者其事集矣婦聞之詣夫墓號哭終日欲自決至哺姑允如其志乃歸 後作苦以給朝夕年六十餘卒屠氏田毓秀之妻翁名起龍官遊擊毓秀從征歿於陣起龍旋卒時婦年二十二女一在乳中婦矢守日以女工自活年七十有

武陵縣志

卷二十一

三

三卒

熊氏伍鼎臣之媳歸于伍生子一女一年二十四夫卒孤旋天時鼎臣令于粵娶繼室生一子未幾翁與繼姑先後卒婦撫叔授室且籍于庠

曾氏蔡永禮之妻生子道法而寡時有瘠地十餘畝衣食皆取資於斯不給則濟以十指力後家亦漸裕年八十九終其曾孫秉乾後補弟子員

周氏龔自勸之妻及笄適龔六載生子二夫歿作苦自給或勸改適婦堅持之嗣攜子居母家以養以教馴至有成年七十餘卒劉氏姚集九之妻年二十九夫歿家人以貧故謀析箸舅姑不可



婦請分供甘旨及子長 督之學卒有成

戴氏蔣金璋之妻年二十八寡無子以姪世燦嗣婦性喜施予歲歉嘗爲糜以食飢者或姻戚緩急求貸輒解簪珥應之年六十有二卒

彭氏賈汝霖之妻歸賈年十六越二年生子楷英而夫卒家貧勤女工爲生歷三十年子受室且見孫家亦粗給

凌氏龔宗恆之妻適龔十年舉四子而寡先是姑病其夫割左股療之日久痕宛然及夫疾革婦感是亦割肱以淪羹刀無縷血濡創亦自合其夫不知也既之稍痊可越日病復作旋卒婦典質什物營喪葬嗣索逋者亟語侵夫婦憤欲死或曉譬之曰爲武陵縣志

卷二十二

三

夫死義也如子何婦悟晝夜力作苦久之讎其負子且自立家亦蒸蒸起年五十有餘卒

馮氏國學生蕭元暢之妻年十九暢歿無子將以身殉家人知而救之爲立後婦撫之埒於所生家計初落已乃裕子某亦自立且授室矣旋卒媳劉氏亦善承姑志撫遺嗣宏璧爲之婚而又生子

陳氏丁士相之妻歸丁奉翁姑以孝聞未幾夫故遺一女時婦年二十一撫其姪爲嗣歿族議再嗣不果婦遂斥生產不自有居近鷹岩嘴水湍悍行者嘗病涉乃造兩舟以航之年八十有七卒



劉氏凌岱之婦凌家故裕後中落婦食貧無交謫未幾寡時婦年二十四遺二子素逋者迫於門戚屬謀醮婦拒之罄所有償其負蓬頭作苦日惟一食苦節數十年年六十有一卒

徐氏華果之妻相夫能內治己而寡時年二十四以無子將以身殉夫兄義之嗣以其子婦撫之遂迄於成且見孫 年四十有五卒

曾氏朱榮賡之妻年十九適朱三年夫故時有週歲子婦撫之爲授室己而子卒遺孤尙在抱婦佐其媳鞠之至成人

何氏陳惠和之妻年二十七夫捐館遺二子長七齡次五齡婦苦志撫之一課之讀一督之耕二子皆克自立數見孫年七十餘

武陵縣志

卷二十二

美

卒

羅氏鍾移桂之妻年十八歸鍾適夫病危婦羹肱以進夫詫其異常味詰之婦佯應曰適購於市殆味變耳夫固詰之乃以實對夫感且泣慰之曰病良已然已不可治矣旋卒婦是時年二十八卒撫其子辛苦備至迄于有成年六十餘卒

余氏周文斗之婦年二十八寡婦誓守志無子以姪明楫嗣

丁氏江獻吉之妻婚三載生子萬雄甫百五日而獻吉卒時婦年十九撫孤子勵節不以貧窶易迨萬雄冠爲娶于陳不數載萬雄又不祿時媳年二十九遺一子久之媳又故婦撫孤孫卒有成年六十有五卒



戴氏黎長吉之妻于歸未三載夫卒無子諸生長清婦夫兄也以子國鯨嗣婦婦課之讀補郡庠未幾國鯨又卽世遺孤夢杰尙冲齡婦與孀媳復撫之婦年七十有八卒

劉氏李先魁之妻歸於李入載魁卒時婦年二十六已舉子矣痛不欲生以有孤勉爲活姑某氏故勵節者婦朝夕奉養循循不少忒及姑終婦食不入口者三日年六十餘卒

曠氏葉宏勉之婦年二十二而寡遺孤甫三歲婦矢志撫之執婦道甚謹性喜施值歲歉輒斥其時餘以贖親族之不能舉火者年六十有六卒

華氏甯如昌之妻凡四舉子而如昌故時婦年三十家落諸子又

武陵縣志

卷二十一

三

先後殤僅遺次子孱弱甚婦撫之至長能自立婦性貞肅非期服親鮮有闖門與語者

龔氏戴文錦之妻年二十二歸三十寡初文錦病革屬婦曰吾已矣身後事一以委卿婦領之而訣時遺一子弱婦日督課之不尠貸遂以績學聞

金氏陳增恕之妻年十九歸於陳陳故邑著戴恕世其業以文名旋卒時婦年二十二以族子嗣婦撫之事姑姑日瞽婦禱於神復明隣舍火延熟數十家至婦宅頓已如是者再婦年六十餘卒

陳氏周國潢之妻年十七歸周明年舉子又明年夫卒遺一子婦



撫之婦勤作苦無間且暮有積貲則以周貧乏者後年至七十其子請爲壽不許旣而曰劉家津病涉者眾曷有以航之勝於壽我矣其子謹惟命今過斯津者咸德婦

胡氏唐文律之婦文律將歿婦年二十餘律謂之曰父母老矣子少吾不幸後事一以諉卿婦應曰諾自是事舅姑如律之事父母訓其子一以嚴命勗之子感泣每長跽受責不霽顏不起迄子有成見孫三長次皆授室未幾俱喪二媳皆周氏亦卒成節孝

徐氏李琳之婦適李凡十年夫賢之未幾夫卒時婦年二十九誓守義迄子長爲娶某氏媳且見孫未幾子夭婦又撫孤孫嗣孫

武陵縣志

卷二十一

三

復生子家且裕而婦始卒

鄒氏王桂之婦桂卒婦年二十四已抱子矣誓撫孤不貳越二載孤殤婦暈絕頃復蘇夫兄邑庠生徵聞而烈之以次子方壽嗣婦年七十有八卒

汪氏李某之妻遊擊世貴女初媒誑言李某雄於貲世貴信而女之旣而悔欲改盟婦不可比歸李家益落未幾寡時婦年三十二舉一子矣旋天有鄰婦來勸之醮婦厲詞責之旋詈諸主者門或謂詈言非女子所宜婦曰不如是則曉曉者何能止吾固以是盛終身也尋以夫兄子似之

樊氏周道勳之妻子歸執婦道敬以愉未幾寡時婦年二十三子



一尚幼婦誓志撫之後其子學筠補武庠生其孫鑑亦籍于學  
堵氏陳熙斌之妻年二十三夫故無子嗣其姪增塏以守性均且  
惠娣顧氏蚤世婦鞠其子如所出其猶子之婦梅氏繼卒遺一  
子方十日皆婦育之年六十餘卒

饒氏諸生陳開睿之妻年二十二而寡有遺腹遂強自活已而生  
女慟之甚舅以其姪嗣婦撫之如己出無何子天尋撫孫艱  
苦倍之年六十餘卒

段氏馮國鯨之妻年十八歸馮未幾寡時年二十八一子甫七月  
婦撫之心力俱殫奉堂上無幾微弗適者歷節四十餘年家亦  
寢熾

武陵縣志

卷三十一

三

羅氏管紹殷之妻年二十七夫歿姻黨勸改適婦曰婦人之義從  
一而終況夫有遺嗣當撫之由是勤操作嗣後家亦漸裕猶茹  
苦如初節時

貴氏戴有苞之婦昏數年夫歿子逢鼈方二歲婦壹志撫孤及入  
塾一以父教教之自二十五歲勵節踰三十年

王氏胡國謨之妻年十八歸於胡二十八寡先是夫病婦日夜侍  
迄三載持齋禳禱俱不應旋卒遺二子長啟岱次啟濡氏皆課  
之讀家有餘儲凡操作勿弗躬親者年六十有六卒

劉氏廖啟萬之妻適廖生一女夫旋卒時婦年三十一無可嗣  
義子光本歷節十五年卒



徐氏華東之妻年二十二夫卒子一甫四齡家且窶婦仰事俯畜  
一取給十指舅姑歿營喪葬無違禮子長克自立

楊氏鍾國謨之妻早寡無子姑命其姪嗣之以養以教至於成人  
時姊楊氏亦年二十三而寡誓撫其子以守其子亦率教旋卒  
楊慟甚鍾慰之以其姪孫嗣人謂節之相須而成者

廖氏生員聶方城之繼母先城母卒其父攜城入蜀訪所親不遇  
因爲婦家傭婦父喜其勤遂以婦妻之生二子不育而夫死泣  
謂城曰我不偕汝歸終身異域人矣乃貸所有獲廿餘金負夫  
骨抵家得故居小屋三間園數畝而已婦勤紡績無晝夜資使  
城就傳後籍諸生城先婦逝竟無後蓋節之最苦者

武陵縣志

卷二十三

四

高氏岳文炎之妻歸岳生一子而寡閱數年子又夭婦曰是天殆  
重譴我耶自是日茹素以終其身年九十卒

李氏周新德之妻歸周生一子名文化未毀齒而新德歿時婦年  
二十八誓撫文化以守督之學卒有聲庠序間婦年六十餘卒  
王氏龍澤澍之妻歸於龍閱十年寡時子一女二龍家故裕後落  
婦惟日課子以儒業俾世其家

楊氏傅道培之妻傅自前明尙書作霖以殉難謚忠節傳六世皆  
名諸生至道培躋於場旋卒婦撫其遺腹子天鳳補邑庠婦年  
七十有二卒

郭氏梅山良之妻年二十七夫卒屢求死未得後撫其子冠英極



勤劬長則擇名師課之讀卒有成婦年六十餘卒

熊氏粟應發之妻歸十年夫歿遺嗣二應諸苦撫之年六十餘卒  
皮氏曾盛熙之妻夫下世遺二子撫之及長頗克其家婦年六十餘卒

楊氏甯如珩之妻珩歿婦年二十四女一子一俱幼家亦落婦忍  
饑寒字其子女暇則勤女工愿子夜不怠久之家漸起使其子  
從名師游無何子歿婦痛甚遂嬰疾不數年卒

吳氏傅達仁之妻年十九夫亡數月乃生子婦撫之至弱冠爲授  
室無何子死於水媳適人女孫一歸朱亦天親屬重婦者每迎  
養之有加禮婦年七十有八卒

武陵縣志

卷二十二

聖

段氏國學能幼萬之妻生子紹棠甫周而夫歿時婦年二十四誓  
守節撫紹棠至長課之嚴紹棠後入成均婦年五十卒

劉氏楊丕育之妻生而靜婉言笑不聞於隣性有巧思織組組  
及其他點酥翦綵皆精妙年十九歸於楊能章婦順未三載而  
寡無子以其姪德武爲之嗣鞠之過於所生時姑老性卽急氏  
婉婉奉教勅維謹事必得請而後行至凌雜糞鹽若酒漿菹醢  
一切煩縟之事則身肩之椎髻操作晨夜屑屑勤靡餘勞徃徃  
從枕席上猶屬家人處置什器年七十有三卒

程氏邑庠生向華之妻年十七歸于向閱九載而寡其叔標所析  
產盡日侵婦婦持之遂造汙語巉婦及後叔溺于河婦不銜前



事寡善泐者撈得其尸以檢人咸稱之子二長者殤次有成見孫一

余氏林天華之妻年二十八而寡無期功之親可倚家宿貧用針杆以給朝夕月中不寢者常過半撫其遺孤錫三至于長課之學復改使學醫為人治疾輒愈

邵氏聶秀林之妻年二十九而夫卒撫前室之子曲有恩誼為之授室舉子三而其婦卒氏鞠其所遺孤亦如鞠子者後長孫娶婦又卒氏再取其遺孤撫之持內政井井然家人聞聲欬聲譁者止惰者執業以俟家亦因之寢起

徐氏周之妻生子學溥寡歷諸苦撫之為娶于陳閱二載生

武陵縣志

卷三十一

子世傑未幾溥卒陳欲以身殉陳以撫孤責之乃止徐病瘵陳侍湯藥惟謹時相對欷歔泣聞者傷之後為傑娶於吳生子三而傑又卒吳亦茹苦撫三子迄于成家亦漸裕性尤好施每隆冬恆手紉絮衣以授齒相擊者

章氏楊振經之妻于歸五載而振經故婦悲甚幾以身殉以有遺腹勉自活及長使就學督之甚嚴其子亦克自立得授六品職銜

龍氏庠生姚士紳之妻年二十四夫故獨肩家政善承翁姑歡及後翁姑歿營喪葬無違禮後撫其姪昌煜為嗣教之嚴不令即游惰娶婦李氏見孫三



周氏楊以學之妻年十九歸於周末百餘日而夫卒以夫弟之子以經爲嗣茹苦百端卒完其志以老

唐氏馮峙之妻甫旬日而峙卒家無餘蓄事翁姑曲意承顏訓子嚴子亦知自勵苦節六十九年卒

李氏唐大陸之妻年十六而寡撫遺子顯西巖教之少游惰輒不食俟改悔乃已後列太學生婦年八十三卒後孫媳馮氏曾孫媳楊氏皆年二十餘而寡節行一準于李均於同治四年獲旌宋氏楊保善之妻年二十二而寡撫三遺孤鞠之爲國新國材國輔後國新與國材相繼逝其媳王氏方氏均法姑立節概

毛氏王育彬之妻桃源庠生年逢之女及笄歸於王甫一載夫卒武陵縣志  
卷三十一  
三  
事翁姑極孝謹督其遺腹子中炳敦修文行著稱于庠尤勤操作家賴以起鄰里有急之罄所有輸之不責其償貧士至門必當其意以去

胡氏丁國釗之母年二十四寡終身屏紈綺弗御訓國釗甚嚴嘗篝一燈課之讀率至宵分不輟少怠必泣而撻之

賀氏馮某之妻年二十四而寡其孤未及龀勵節撫之及長爲娶于楊未久而其子又故楊亦效其節勤紡績未明而興逾夜分不寢以贍其身與姑相依以老

楊氏庠生許霖之妻年三十而寡無子撫其姪翔爲嗣督之嚴動靜必以正及翔成諸生猶抑畏惟謹



丁氏戴汝楨妻年二十五而寡撫其子有成年八十餘卒

梅氏丁用訪妻年二十七而寡長子五歲次子遺腹生氏撫之有

成歷節五十年卒

陳氏丁希善妻年二十二而寡歷節四十餘年卒

歐陽氏鄔之早妻年二十二而寡子甫十月撫之成立歷節二十

餘年卒

貴氏黃贊臣妻年二十六而寡撫兩子迄於成

蕭氏劉維簡妻年十七適劉二十夫卒遺腹生一子年二十一復

亡惟一幼孫復撫之

彭氏楊國權妻年二十五而寡截髮自矢不再適

武陵縣志

卷三十一

四

劉氏魏向東妻年二十而寡遺一子撫之

胡氏劉柏遠妻年二十二而寡撫遺腹子誓不改適

熊氏江宏仁妻生二子年二十六夫卒

守義不改適

年四十六卒

楊氏戴孔暄妻年二十六而寡撫三子皆成立

楊氏陳世偵妻年二十而寡後夫兄子守義以終

劉氏龔玉書妻年二十六而寡撫子有成

方氏熊育萬妻年二十三而寡撫二子有成

程氏陳聖言妻生一子不育夫卒立族子為後撫之有成

陳氏王濟時妻年二十而寡無子依兄以居卒年五十四



丁氏戴汝謹妻年二十六而寡歷節五十餘年卒

汪氏劉越廷妻年二十二而寡歷節五十餘年卒

周氏陳國夏妻年二十八而寡歷節五十餘年卒

陳氏錢國成妻年十九而寡撫孤振元成立歷節四十餘年卒

張氏唐澤隆妻年二十二而寡撫其週歲之子歷節四十餘年

梁氏魯之崙妻歸魯甫二年生子惠而夫卒氏撫其孤子允篤孝

養年八十一卒

陳氏許上棟妻年二十八而寡撫二子皆成立年六十八卒

陳氏諸生彭作舟妻生一子廷冕夫卒氏撫之娶婦楊氏子旋卒

婦亦克繼姑志以守

武陵縣志

卷二十一

四十五

陳氏廖體華妻年二十四而寡撫子成立歷節六十年卒

李氏陳光烈妻年二十三而寡矢志撫子年七十六卒

謝氏劉國江妻年二十六而寡撫子之樂成立年八十餘卒

廖氏李宏仁妻年二十七而寡撫兩子俱成立

梁氏劉應麟妻年二十九而寡二子崙岑俱幼氏撫之

鄭氏余汲遠妻年二十二而寡子宏受甫六月撫之成立守節二

十五年卒

龔氏唐世泰妻年二十三而寡其夫弟世瀛妻王氏亦年二十六

而寡姊姒相依以守

張氏唐世澤妻年二十二而寡遺子開榮撫之迄五十年卒



石氏王鎮妻年十八而寡遺腹生子濤撫之成立

蕭氏賀應為妻年二十而寡年七十卒

羅氏楊太農妻早寡歷節三十餘年卒

黃氏李嗣高妻年十九而寡一子甫及晬撫之有成

歐陽氏楊燦儒妻年二十而寡以節終

熊氏姚之瀛妻年二十而寡撫遺腹子以終其節

周氏趙歸宗妻年二十七寡撫三子成立年六十餘卒

趙氏陳洪妻年二十四而寡以節終

熊氏蔣仕文妻年二十一而寡遺腹生一子長娶婦蕭氏其子又

亡蕭效姑終其節

武陵縣志

卷三十二

王氏戴昭權妻年二十四而寡卒終其節

陳氏袁朝綱妻年二十五寡子幼氏誓不再適與從姊孀居者相

依以老

吳氏賈國棟妻年二十二寡歷節五十餘年卒

龔氏黃正彩妻年二十七寡無子歷節四十餘年

李氏諸生戴炳妻年二十六而寡遺孤亦天惟存一女長適姚氏

依之以居歷四十餘載

趙氏徐禹江妻翁為徐昌支生子樹炳甫三月禹江卒氏年二十

二矢志不再適年九十二卒

陳氏監生聶愈妻生三子夫故氏年二十九其姑李氏亦早寡氏



相依以終

蔡氏聶欽成妻年二十二而寡無子卒不失其節

李氏聶皦世妻年二十二而寡卒年八十三以節終

丁氏聶愈有妻年二十三而寡子方煥方暄俱幼氏撫之以終其節

陳氏羅子寬妻年二十九而寡遺孤甫五月氏茹苦撫之卒年八十三

曾氏熊兆昇妻年二十六而寡卒不易其節

談氏聶愈名妻年二十五而寡二子俱幼矢志茹苦卒年六十一

孫氏諸生鍾嶽雲妻年二十八而寡二子俱幼氏誓守以終節

武陵縣志

卷三十二

聖

楊氏戴孔暄妻生三子夫卒氏年二十六撫其子蘭英列諸生始卒

徐氏蔣大昌之母年二十而寡家貧于幼氏撫之卒不變其節

邢氏孫見龍妻年二十八而寡遺腹子尋天氏卒終其節

鄧氏涂上珍妻年二十三而寡無子立姪爲嗣以守

敖氏程宗義妻年二十八而寡撫孤子兩娶皆殞三娶始見孫

毛氏曾昌六妻年二十而寡守節六十年卒

宋氏曾昌純妻年二十餘生子一夫卒氏撫之將成立而殞

莫氏麥長泰妻年二十七而寡無子以節終

曹氏徐樹模妻年二十一而寡無子守節五十年卒



江氏郭士斯之妻年二十一而寡以節終

歐陽氏生員戴培來之妻年二十七而寡以節終

賈氏丁希富之妻年二十四而寡以節終

周氏黃方輅之妻年二十二而寡以節終

楊氏田某之妻年二十一而寡以節終

蔡氏鄭才武之妻年十九而寡以節終

王氏胡國謨之妻年二十八而寡以節終

李氏吳某之妻年二十六而寡以節終

聶氏郡增生陳幼鸞妻年三十而寡以節終

聶氏高登芳之妻年二十八而寡以節終

武陵縣志

卷三十一

陳氏王體榮之妻年二十四而寡以節終

嚴氏王之祥繼室年二十七而寡以節終

夏氏王正儒之妻年二十七而寡以節終

之妻年二十三而寡以節終

之妻年二十一而寡以節終

黃氏徐純謹之妻年十七而寡撫其遺腹子以節終

羅氏吳錦蘭妻年二十六而寡以節終

聶氏戴昭洛之妻事祖姑及翁姑謹於禮日辨色起洒掃奉卮侍

盥既始就爨下作羹食親上之率以為常無少懈嗣氏新產中

夜火燔其居家人失氏所在詰旦見氏猶擁繡嬰卧石臼為頽



垣半角所蔽得無恙皆奇之年二十七而洛卒遺二子長徽來次鴻恩氏矢志撫之茹苦百端家亦復起後爲徽來娶於周末幾徽來又卒周節概一準於氏

楊氏楊鼎珍之女歸李元基未五載粵賊陷郡元基抗節不屈賊擲以矛中胸死氏撫尸痛哭嚼舌血噴賊面罵不絕聲賊舍之去時孤未及齡攜之歸母家以守志操矚然

王氏岳濬之繼配歸濬甫二載濬故時婦年二十一誓死守恐姑奪其志一夕連紉其袒衣晨投園井適井漲不得沈家人覺援之出乃聽其終志歷三十年未嘗須臾忘死一日伺媪歸取帛自經於床詰朝家人啓戶始知之後請旌於朝

武陵縣志

卷二十一

四九

陳氏李先玠妻二十五歲而寡

俟請旌

聶氏李廣鴻妻年二十而寡以節終

黃氏唐顯鏞妻安化黃翰林崇光之女歸於黃操作過農家婦年二十五而寡撫其子榮浚成諸望



胡氏楊大廷妻生子甫六月夫卒氏年二十四歷節四十六年卒  
郭氏楊大源妻進士郭振女年二十七夫卒僅遺二女立姪孝槐  
爲嗣歷節六十年卒

馮氏蔣坤妻年二十七而寡撫一子有成苦節四十餘年卒

陳氏袁士昌妻年二十一夫卒遺腹生子仍天誓不改適卒年六  
十一

謝氏楊丕續妻生一子夫卒氏守節三十六年卒

葉氏貴州台拱營千總趙璋妻年二十六璋卒於任遺孤甫歲餘  
氏撫之年六十有八卒

任氏余學朗妻年二十四而寡家極貧氏曉大義撫其子善治家

武陵縣志

卷二十一

卒

歷七十餘年卒

彭氏丁方彩妻歸丁甫三月而寡立夫兄子爲後矢志撫之

何氏蕭浴露妻年二十五而寡立夫兄子爲後守節四十餘年卒

陳氏蕭文奎妻年二十夫卒守節歷七十餘年卒

蕭氏劉允燮妻年二十四而寡守節三十年卒

鍾氏余之駙妻年二十七而寡撫三幼子成立年八十餘卒

聶氏宋紹富妻年二十五而寡歷節三十餘年

龔氏丁方哲妻年二十七而寡歷節五十餘年卒

陳氏丁之容妻年二十餘寡歷節四十餘年卒

孫氏龔世理妻年二十二而寡歷節五十餘年卒



張氏李代紳妻年二十九而寡以夫兄子爲後

葉氏于淑妻年二十六而寡守節歷三十三年卒

彭氏陳詩輔妻年二十五而寡歷節四十餘年卒

劉氏朱景暉妻年二十二而寡撫三歲子以守歷三十一年卒

王氏朱和珣妻年二十七而寡守節二十七年卒

魯氏梁大方妻年二十一而寡無子守節六十年卒

皮氏胡祚述妻年二十二而寡撫其子以節終

胡氏陳樹桂妻年十六適陳期年生一子天次年夫卒苦節五十

餘年卒

熊氏胡啟占妻生三子年二十七而寡家貧甚能養其姑姑年九

武陵縣志

卷三十一

五十一

十六方卒氏歷節三十餘年

蕭氏熊錫圭妻年二十七夫卒立夫弟爲後以守

周氏諸生廖仁妻年二十五而寡勵節四十五年卒

詹氏黃賢裔妻幼養於黃婚未幾而夫卒氏年十八死守以至於

老

華氏陳國佐妻年二十七而寡有二子撫之歷節五十六年卒

周氏袁朝椿妻生一子夫卒氏年二十三後歷節三十餘年

汪氏周樵槐妻年二十而寡僅一子撫之成立

李氏余鼎定妻年二十四而寡只五歲孤撫之

戴氏丁希遠妻年二十而寡子甫週撫之成立



周氏梅魁英之妻年二十三而寡以節終

戴氏丁盛堪之妻年二十二而寡以節終

賀氏丁士欽之妻年十九寡以節終

章氏黃煦妻年二十四而寡以節終

張氏丁盛放妻年二十二而寡以節終

歐陽氏賀肇倫妻二十七而寡以節終

楊氏李基之妻年二十六而寡以節終

氏李先玢之妻年二十五而寡以節終

萬氏之妻年二十八而寡以節終

武陵縣志

卷二十二

黃氏馮應奎之年二十四而寡以節終

周氏朱一鈞之妻年二十四而寡以節終

余氏張允先之妻年二十二而寡以節終

羅氏楊清華之妻年二十七而寡以節終

徐氏周國松之妻年二十三而寡以節終

梅氏堵百健之妻年二十一而寡以節終

饒氏郭士著之妻年二十而寡以節終

尹氏段某之妻年二十一而寡以節終

氏戴之母年二十三而寡以節終

劉氏鄒之妻年二十五而寡以節終



林氏張國麒之妻年二十四而寡以節終  
鄧氏張正誼之妻年二十四而寡以節終  
萬氏馮宗彝之妻年二十六而寡以節終  
楊氏戴孔暄之妻年二十六而寡以節終  
戴氏陳肇麒之妻年二十七而寡以節終  
熊氏汪堂輝之妻年二十二而寡以節終  
李氏左啟岱之妻年二十三而寡以節終  
李氏楊德祖之妻年二十一而寡以節終  
許氏李學文之妻年二十四而寡以節終  
李氏唐大陞之妻年二十一而寡以節

武陵縣志

卷二十二

五三

馮氏唐榮森之妻年二十七而寡以節終  
楊氏唐滋達之妻年二十七而寡以節終  
劉氏錢系鏞之母年二十一而寡以節終  
李氏楊道涵之妻年二十四而寡以節終  
宋氏楊保善之妻年二十二而寡以節終  
王氏楊國新之妻年二十二而寡以節終  
方氏楊國材之妻年二十一而寡以節終  
張氏陳家德之妻年二十五而寡以節終  
徐氏劉國昌之妻年二十一而寡以節終  
龍氏彭某之妻年二十一而寡以節終



徐氏劉國昌之繼室年十八歸劉越十載夫卒遺二子一女家艱  
窶甚宅又不戒於火備歷百苦卒能撫二子有成

龍氏庠生龍漢章之姊年十七歸於彭未三載夫歿所生子亦未  
週而天家貧不能自存歸母家以終其節

江氏郭士昕之妻婚未久夫故無所出有爲終身計者勸改適婦  
以義拒之時舅姑俱衰老諸叔皆幼婦斬斬持門戶事悉就理  
人莫不賢之

趙氏朱洪兆之妻年二十七夫故遺一子道先僅歲餘及長少不  
率教怒撻之無少貸子亦知自勵頗克家家寢起

熊氏彭樂三之妻年二十四夫故鞠其二歲子備歷艱悴爲娶子

武陵縣志

卷二十三

五四

黃甫見一孫而其子又故與媳共撫孤孫以守

之妻歸于 生二子長

故婦時年二

十七家窶甚無巨細皆躬親之後爲

娶於周未幾 歿周

節行亦與姑埒

周氏戴孔筆之妻甫生一子而孔筆卒時周年二十有六矢志撫

孤執女工度日足不踰闕者五十年及見孫昭炳成邑庠而歿

聶氏李天柱之妻夙解文義歸李生一女二子年二十八而寡事

姑至孝謹姑患足疾十餘年展轉床褥間皆倚婦扶持之

吳氏黃經魁之妻歸黃生二女二子夫故時婦年二十九家窘甚

自採菱芡與兒共飽卒以全節終



祝氏汪天機妻年二十三而寡遺二子氏撫之皆成立  
陳氏劉國潢妻年才九而寡以節終

管氏周學赤妻年十九適周生子尋天越三年夫卒守節四十餘  
年

黃氏覃志銳妻年十九歸覃甫六月夫卒氏截髮以守歷節三十  
七年

周氏李可楨妻年二十三而寡無出守節三十餘年

危氏萬達妻生二子而寡氏守志不再適卒年八十二

徐氏張勛國妻年十八而寡矢志不貳卒年八十五

楊氏李代陞妻年十八而寡無子歷節五十餘年

武陵縣志

卷二十二

五五

楊氏譚德潤妻年二十五夫歿守節十五年卒

胥氏李學秀妻年二十二而寡撫遺孤以守年五十二卒

戴氏陳維夏妻年二十八而寡矢志節撫孤年六十八卒

周氏石爲琬妻年二十四而寡撫二子守之內外無間言

嚴氏石爲瑛妻年二十三而寡卒撫孤以成其家

夏氏丁方進妻生子希傑而夫卒氏守節以成其家

黃氏丁希德妻生子甫六歲夫卒年二十八守節三十餘年卒

胡氏鄔士玉妻年二十五而寡一子甫三歲家甚貧氏卒撫之有

成

丁氏黎孝松妻年二十三而寡守節歷三十餘年卒



劉氏貴起善妻年十九寡生子未週氏矢志撫之卒年八十餘

貴氏彭一瑞妻年二十而寡遺腹生子撫之以全其節

陳氏丁士相妻年二十而寡立族子為後以守

聶氏丁希俸妻歸俸二載生子一年二十六夫卒苦志四十餘年

孫氏龔世纓妻年二十夫病以親老子幼為託夫卒氏矢志代夫終

沒齒無非議

劉氏龔啟麟妻年二十八生子甫兩歲夫卒氏矢志撫之卒年七

十六

萬氏范宗仁妻年二十四而寡一子甫歲餘氏飲冰茹蘗卒年六

十八

武陵縣志

卷二十二

五六

張氏貴漣妻歸漣三載生二子夫卒氏撫之均有成

貴氏劉啟名妻年二十六而寡矢志不失節年七十餘卒

王氏歐陽應表妻龍陽王為壤之女年二十一夫卒遺腹生子矢

志撫之卒年七十一

陳氏諸生戴孔武妻年二十八而寡一子甫六歲撫之有成

孟氏王偉妻歸王月餘夫卒年二十有五勵節五十三年卒

陳氏梁一義妻歸七月夫卒氏年方十七矢志節六十餘載卒年八

十四

蔣氏梁一譜妻年二十七而寡歷節六十三載

陳氏諸生梁方恒妻年二十四而寡卒年六十四以節終



譚氏陶國清妻年二十而寡子得仁方二歲遺腹生一子舅姑繼  
沒氏鸞兒以葬尋贖回苦節五十餘年後獲旌

朱氏高可行妻年二十四而寡舅姑繼歿家益貧終無二志後獲  
旌

黃氏廩生張鵠妻年二十五而寡茹苦四十餘年後獲旌

韓氏貢生史策妻年二十而寡撫遺腹子得列諸生年七十餘卒  
後獲旌

彭氏諸生柳東仲妻年二十而寡萬歷間巡撫李給穀三十石

喬氏黃鶴鳴妻年十九而寡撫遺腹子一寧列諸生

李氏鮑之管妻年二十四而寡歷節五十餘年卒

武陵縣志

卷二十三

五七

楊氏王萬齡妻年二十而寡一女適石某亦亡氏守節歷五十四

載以終

羅氏賴光恩妻年二十五而寡其孤甫娶復亡氏卒 撫孤孫以

終其節

戴氏諸生陳昌期妻年二十三寡後獲旌

粟氏蕭宗蔭妻少寡苦節終身後獲旌

石氏歐陽應燮妻年二十一而寡無子以終其節獲旌

氏吳自元妻嫁未半載翁歿自元繼殞氏年二十有二歷節五

十年卒

彭氏康應章妻年二十有一而寡後獲旌



黃氏聶官成妻年二十一而寡子愈光甫七月矢志撫之  
後獲旌

周氏武舉梁惟勤妻早寡無子歷節四十年後獲旌

李氏戴瑄妻年二十三瑄卒氏歷節四十餘載

鍾氏吳應吉妻年二十而寡生子世卓爲娶楊氏未幾世卓又卒

楊年二十二亦與姑同志

趙氏諸生梅常燁妻年二十七而寡守節終其身

蔡氏鞠思成妻年二十七而寡守節三十餘載

楊氏唐廷采妻年二十五而寡歷節三十餘載

黃氏王國勳妻年二十三而寡卒守節以終

武陵縣志

卷二十二

五六

邱氏趙啟昌妻年二十六而寡 後獲旌

楊氏鄧聰妻年十九而寡後獲旌

裴氏張方解妻年二十六而寡守節歷三十餘年獲旌

謝氏鐵仲瑜妻年十九寡撫孤以終其節

楊氏邢銳妻年二十六而寡撫其四子俱成立

劉氏羅義明妻年二十五而寡守節三十餘年卒

陳氏蔣文魁妻年二十一而寡子能方五月撫之成立後獲旌

白氏戴大瑩妻年二十三而寡撫孤有典卒列諸生後獲旌

周氏戴大冕妻年十九而寡撫其子有體以守後孫逢煦餼於庠

蕭氏唐志英妻年十八而寡一子甫五月矢志撫之後獲旌



李氏周大富妻生子甫數月夫卒姑因貧欲其改適氏不從年六十三卒

任氏賀用才妻年二十而寡撫子成立年六十卒

聶氏陳用復妻年二十生子未週而寡歷節四十餘年卒

陳氏歐陽成身妻年二十而寡立姪德瞻爲後年七十餘卒

李氏鄭國忠妻年十九而寡撫遺腹子世萬年七十卒

曾氏劉英彥妻生子甫週夫卒矢志不渝年六十三卒

黃氏丁希德妻年二十六而寡歷節三十餘年卒

徐氏蘇雲妻年二十四而寡貧甚依其弟以居守節四十餘年卒

嚴氏許啟亨妻年二十一而寡撫遺腹子歷節五十年卒

武陵縣志

卷二十二

五九

岳氏吳士韶妻年十九歸吳甫三月夫卒立從子爲嗣歷節三十

餘年卒

陳氏周大昭繼妻年二十六夫卒撫其前子如已出以節終

陳氏楊芝華妻年二十七而寡其子婦趙氏亦年未二十俱節以

終

唐氏李士璧妻年二十七而寡撫子玉輝守節五十年卒

胡氏李大松妻年二十而寡撫遺腹子守節六十年卒

皮士正妻黃氏李昌叔妻龔氏魯自誼妻李氏張嗣增妻王氏楊

夢鼎妻龍氏王瓊友妻楊氏韋大德妻茅氏覃陞元妻郭氏俱

列祀節孝祠而實事無考附錄於此又有羅氏並失其夫名或



曰張嗣增伯母

蔣丁氏失其夫名生三子夫故氏年二十五不再適雖餽粥不給澹如也撫三子皆成立

歐陽氏失其夫名年十九適彭彭久病婚不能成禮越七日歿氏欲以身殉家人伺之謹得不死後令其改適氏曰予既爲彭氏婦不可更事他人其議遂寢

鐵謝氏失其夫名年二十生一子未週而夫卒守節以終其身  
龍氏陳佐聖之妻知書史生一子歿爲夫娶趙氏趙子歿復娶張氏後佐聖卒於官俱以苦節著

楊氏生員季嗣先妻嗣先殉寇難氏撫其孤渾仕國朝官西安

武陵縣志

卷二十三

卒

府知府

梅氏吳自元妻嫁未半載而寡勵節四十年後獲旌

孫氏劉某妻年二十五而寡歷節五十餘年卒

張氏何某之妻生子方一月而卒氏年十八以死守卒以節終

陳氏儒生周大昭繼室夫卒氏年二十六以節終

王氏李光泮妻年二十四夫故守節以終

歐陽氏年十九適徐生生从病至婚不能成禮越七日歿氏以身殉家人伺之得不死年八十有五卒

盧氏張高說妻年二十八而寡

後撫其孫琳成

舉人



王氏李學義妻年二十六而寡歷節三十餘年卒

丁氏陳樹聰妻年二十六而寡撫其子補諸生歷節三十年卒

陳氏曾明照妻年二十四而寡守節三十年卒

王氏陳長尚妻年二十五而寡年六十四卒

陳氏邑庠周玉妻年十九適周二十二夫故撫其孤方且補邑庠

陳氏州同阮世胄妻年二十七夫故與妯陳氏同守

史氏陳有証妻年二十二而寡歷節四十年卒

胡氏監生賀高才妻年三十而寡歷節六十餘年卒

游氏吳祚昌妻年三十而寡撫其子居安中武舉

梅氏武舉陳嘉徵妻年二十六而寡以節終

武陵縣志

卷二十一

空

陳氏劉邦彥妻年二十而寡以節終

周氏劉師盛妻年三十六故撫其子達升成庠生

王氏劉文之母年二十八而寡以節終

氏監生胡士堯妻年二十四而寡以節終

尹氏舉人陳蜀錦之母年十九夫歿蜀錦甫週氏撫之後錦中嘉

慶戊午鄉舉

陳氏馮功奇妻年二十八而寡歷節四十餘年卒

楊氏監生聶愈懌妻年二十八而寡以節終

王氏周應仕妻年二十適周歲而夫故氏與姑范同卧起姑病

反胃封肱以進遂瘳



吳氏唐開亨妻年二十五而寡撫其子成立歷節三十餘年

周氏劉士俊妻年二十八而寡守節歷四十餘年卒

魯氏劉之煥妻年二十而寡子文運甫週撫之成立

徐氏劉之奕妻年二十而寡子文謨甫週撫之成立歷節四十餘年

王氏歐陽成壽妻年二十八而寡撫子德達列諸生

曾氏羅士明妻年二十二而寡撫遺孤成立歷節三十餘年卒

陳氏丁士相妻年二十而寡撫從子爲嗣天依其壻以終歷節三十餘年卒

劉氏王應節妻年二十六寡爲子娶婦又卒遺孫數歲撫之年七

武陵縣志

卷三十一

三

十餘卒

曹氏伍正邦繼妻年二十五而寡撫前妻子士敏不啻已出

梅氏陳文衡妻年二十七而寡奉養其姑不改適

李氏康之棟妻年二十一夫卒遺腹生一子其庶姑生三子而歿

氏一體撫養之卒年七十三

陶氏蕭之傑年二十四而寡撫孤士瑞成立年九十六卒

程氏陳繼述妻年十八夫卒氏守節三十年卒

劉氏鄔道瑞妻年二十三而寡撫子紹信歷六十年卒

李氏鄧世昌妻年十九生子文炳甫七月而夫卒家甚貧歷節四

十餘年卒



李氏年十五歸前山西知縣陳樹猷爲筵室甫三載生子行成未  
及晬樹猷卒於任氏偕嫡李氏奉其喪自晉歸內外事皆處之  
井井及行成長督之學嚴甚卒以成其才氏守節四十年同治  
五年獲旌

顧氏陳行祥妻年十九歸陳甫逾月夫遠遊故於外氏聞訃齧指  
誓不再嫁歷節四十餘年同治五年旌

黃氏陳行達妻年二十夫故家窘甚勤紡績以自給嘗篝一燈課  
子誦讀於側歷節二十餘年卒同治五年旌

唐氏幼字劉氏子值寇亂劉氏子爲賊所掠去其父聞烈婦賢肯  
子他氏子而求婚焉烈婦莫察也歸於劉三載遇之少恩烈婦

武陵縣志

卷二十二

三

安之未幾劉氏子自賊中歸烈婦憤欲死閉戶自經者再家人  
毀戶救之卒日飲利藥致羸疾而死



武陵縣志卷二十一

咸豐四年殉城烈婦烈女

汪氏陳觀奎之妻守節十八年畏賊玷投水死

羅氏沈敬臚之妻守節二十年畏賊玷自縊死

朱氏管昌齡之妻守節八年畏賊玷投井死

毛氏何德滋之妻守節十年畏賊玷投井死

周氏梁開朗之妻新寡畏賊玷自縊死

郭氏萬結之妻守節二十年為賊逼赴水死子女四皆從之

曾氏萬明秀之妻守節十三年不受賊污投水死于文新亦隨之

靳氏邵尚清之妻畏賊玷投水死

武陵縣志

卷三十一

六

氏陳其杏之妻畏賊玷隨姑汪氏投水死

周氏陳長炳之妻賊擄其夫與子氏憤極誓賊畏賊玷害偕二女

飲酖死

張氏岳淑之妻畏賊玷投井死

覃氏庠生陳序徵之妻賊拷其姑氏誓賊尋投水死

黃氏錢德權之妻夫被賊逼自縊氏罵賊尋亦自縊女一子一皆

隨之死

金氏余太善之妻夫被賊殺婦救夫被賊撲墮孕死

曹氏伍昌延之妻賊擄其夫與子氏誓賊尋投井死

蔡氏沈再庭之妻夫被賊逼自縊氏罵賊尋亦自縊女三皆隨之



廖氏朱萬福之妻畏賊玷自縊死

汪氏陳大發之妻賊其翁畏玷自縊死

黃氏徐維垣之妻畏賊玷自縊死

張氏魏廷珍之妻畏賊玷自縊死

楊氏賀榮照之妻畏賊玷投水死

何氏張隆珍之妻畏賊玷抱三歲女投井死

蔡氏陳方重之妻畏賊玷投井死

李氏周某之妻不受賊污誓賊賊刃之赴水死

方氏楊起科之妻不受賊污抱幼子投水死

汪氏吳之進之妻不受賊污自縊死

武陵縣志

卷三十一

傅氏羅學發之妻不受賊污抱幼子投水死

氏熊年望之妻賊欲污之不從被戕

氏詹姓之妻畏賊污攜女赴水死

舒氏鄧方太之妻畏賊污偕媳徐氏投水死

徐氏鄧士魁之妻畏賊污隨姑舒氏投水死

羅氏四川經厯于奎之妻為賊迫墜岩死

李氏張廷勝之妻賊傷其夫氏救夫墮孕死

安氏夏祖萬之妻賊逼赴水死

袁氏何德興之妻畏賊玷赴水死

戴淑姑戴昌煥之長女畏賊玷投水死



戴晚姑戴昌煥之次女畏賊玷投井死

王秀姑王鵠元之女畏賊玷自縊死

金四姑金世爵之女畏賊玷自縊死

金么姑金世祿之女畏賊玷自縊死

王二姑王忠堂之女畏賊玷自縊死

陳二姑陳長炳之女畏賊玷隨母周氏飲醜死

陳三姑陳長炳之女畏賊玷隨母周氏飲醜死

錢冬姑錢德權之女畏賊玷隨父德權母黃氏弟昌倬縊死

王大姑王文瑞之長女畏賊玷自縊死

王三姑王文瑞之次女畏賊玷自縊死

武陵縣志

卷三十一

六

沈寶姑沈輝廷之女畏賊玷赴水死

郭七姑郭承中之女畏賊玷赴水死

趙三姑趙運衡之女畏賊玷投水死

江四姑江某之女畏賊玷投水死

陳菱花沈羅氏之婢畏賊玷自縊死

錢玳姑錢德勳之女畏賊玷投井死

錢么姑錢德勳之季女畏賊玷投井死

沈七姑年四歲沈再庭之女隨母縊死

何桂姑年四歲何德輿之女 牽母衣投井死

蔡發姑年五歲蔡輝彩之女隨舅母毛氏投井死



沈五姑年七歲沈再庭之女隨父母縊死  
沈六姑年六歲沈再庭之女隨父母縊死

武陵縣志

卷三十一

六十七



武陵縣志卷二十二

貞女

明

賀貞女賀文貴女幼失所字遂守貞依兄嫂以居年六十餘卒

賀貞女賀璣之女幼字於羅未嫁而羅故女守貞終身不字

李貞女名玉貞貢生李延女值流賊張廣勝史釗之亂女乃徹環

瑱不嫁

譚貞女譚玉純女父母早逝憐弟幼矢志撫之卒年七十八

國朝

袁貞女幼字彭大闡未嫁而大闡卒女服衰麻奔喪居月餘父母

武陵縣志

卷二十二

六

促將改字女聞之自經死舅姑昇其棺合葬夫闡墓所

程貞女程勝先女幼字某將嫁而女卒女欲歸某無可依遂終於

母家

阮貞女幼字楊女一足跛楊恥娶之父欲別為女覓壻女堅拒之

年六十餘卒

楊貞女楊趨曾女幼字陳詮以病卒女聞訃即欲身殉父母慰止

之遂詣陳守志終身不衣綵帛年六十四卒

張貞女安鄉知真定府張月女幼字楊趨曾之子狂早卒女誓不

再字歸于楊立夫弟植秉子為嗣年七十八卒

鄭貞女幼字諸生余海未適而海卒家人將別字拒不可卒年七



鍾貞女幼字鄔某鄔入川不歸其兄欲改字女矢不從遂依兩從  
兄紡績度日年七十餘卒

韓貞女幼字劉榮亨榮亨旋天女時年十五匍泣奔喪遂不歸

戴貞女幼聰慧許字龍剛明早卒女時年十七慟哭奔喪不肯歸  
立兄子軒為後

石貞女有惡少欲逼辱之投河死

楊貞女幼字楊文珠珠病革女携婢詣楊獨居別室脫簪珥市湯  
藥不令珠知閱月珠卒慟幾絕為珠營葬悉如禮既終葬竟以  
悲泣死族人憫其志合葬在山之麓

武陵縣志

卷三十一

完

聶貞女諸生聶朝棟女幼字陳氏子未婚陳遠遊不歸女遂不字  
年六十餘卒

劉貞女劉玉山女幼字蕭氏子未及婚蕭氏子為父所逐令劉改  
聘女不可以女終身

陳貞女幼字丁氏子丁死於水女聞訃赴丁氏父強之歸議婚他  
族女以死自誓立夫主於宅祀之歷三十四年卒

玉貞女幼字夏毓洙洙遠出二十年未歸其父母欲令改適女不  
可後洙歸贅其家一年而洙死氏亦旋卒

楊貞女幼字鄭學泰年十六將婚而學泰故遂茹齋奉佛以終

陳貞女幼字歐陽氏子得惡疾其父母遂改字某氏女親迎有日



矣比登車藏刃裏衣中意至其家非是則自刎比至果非是女  
出刃衆駭而折之送之歸晝夜號泣數日死

張貞女年三十未嫁所字壻無賴子也陰使人百計汚其身以圖  
嫁之女卒自全憤激死官爲立石於墓

劉貞女幼字蕭元綱元綱入蜀三十餘年女無他志常居閨中人  
罕見其面

談貞女幼字賀氏子及笄而賀故女奔喪族人爲立嗣年五十二  
卒

潘貞女幼字熊氏子熊遠遊其父欲改字女不食自縊死

李貞女字劉氏子未婚壻亡于外女堅矢守貞立夫兄子爲嗣

武陵縣志

卷二十一

朱貞女幼字周民墜父母皆卒囑女將俟弟已娶婦而後嫁未幾  
民望死女悔愆期遂詣周守志年六十餘卒

談貞女幼字賀人長年十有八行納采矣而壻訃至女瞪目無語  
母就視氣已絕救之良久甦泣請往弔母難之女曰女垂髫已  
名在賀卽婚禮未成義不可他適不許惟死耳偕往見壻尸淚  
湧不成聲乃截髮一縷內棺中遂不歸

姜貞女郡庠生坤九之女生而穎慧字戴有則子逢誥及婚有日  
而誥卒九坤往弔女請偕哭奠畢跪白父曰兒不能歸事父矣  
父及舅姑嘉其志許之卒年六十有八

聶貞女幼字同里陳氏子年十三壻舉家徙蜀久無耗父母恐失



所欲改字女不可守貞終身

武陵縣志

卷十三

三



武陵縣志卷三十一

列女志

賢婦

三國

習氏武陵人丹陽守李衡妻也吳建興中衡守丹陽瑯琊王休在鎮數倚法侵削之妻數諫不聽休求徙會稽避焉及休立衡懼欲奔魏妻曰叛逃求活亦中國所惡也瑯琊素慕名欲自顯於天下終不以私怨故讐守法吏可謂獄表前失求罪衡從之詔遣還郡

五代

武陵縣志

卷三十一

七十一

嚴氏周行逢妻行逢果於殺戮嚴氏諫之行逢怒嚴不悅給曰家田佃戶以公頗不力農多恃勢侵民請往視之至則營居以老歲時衣青裙押佃戶送租入城往逢往就見之勞曰夫人何自苦邪嚴曰公思作戶長時乎民租後時常苦鞭撲今貴矣宜先期以率眾強邀之無留意因曰公用法太嚴一旦禍起田野間易為逃行逢為少損

明

李氏冀元亨妻有賢行閨門之內相敬如賓語在人才志冀元亨傳

唐氏龍德孚之妻隨德孚之任嚴闔以內毋敢睨局外者於官衙



隙地每督園工種蔬經水陸傳舍必與灑掃滌器始去

龍氏陳佐聖妻讀書知大義生一子天遂爲夫納趙民生一子又天復納張民生二子

龍鞠之如親生

國朝

楊氏周晉琰妻仁和縣晉瑛令瀘溪與長子同殉土寇之難氏護喪攜諸孤寓武陵復遇潰卒氏從容謂曰我瀘溪殉難周令妻夫死忠子死孝吾今得死爲幸不可犯也卒感歎而去經略洪承疇以聞予贈蔭

陳氏楊超曾妻賢淑識大義相夫成清名處貴盛不改寒素時稱女宗

武陵縣志

卷二十三

七

劉黃氏失其夫名生二子值歲早夫窘無計欲嫁氏以自活氏曰餓死事小失節事大且欲嫁我者爲不能存活耳無已請以子與我君自爲計遂攜子依弟居日以針紉自活越數年夫復求還氏曰君與我如隔世人義已絕矣尙何言所親苦勸之乃夫婦如初家亦漸裕

林氏劉樵側室工書翰能詩樵以事終永昌子三俱幼氏以母兼師門戶賴之再振長子成佐乾隆丁酉拔貢次成佑季成儀俱列諸生

賀氏龔世載妻歸世載九年而寡子大萬方七歲家中落棄舊居借里人廢地數弓築土覆茅僅蔽風雨日採蒿葉蓼本雜食之



教大萬嚴而有法大萬入詞垣就養京邸婦猶勤操作不休  
王氏趙慎畛之母幼誦書史通大義其先有遺業與其從經理逋  
欠纍數千氏爲斥產償之所得女紅值舉瘞郭外暴骸後慎畛  
於里中儲穀三千石以備賑復設敬節堂瞻婺婦之賢且窶者  
皆體其意爲之

翁氏楊丕復妻天性極和易與人語惟恐傷其意雖甚慍未嘗少  
以詞氣加人人有過輒曲爲掩覆於事釁多所消弭內外親無  
疏戚莫不歎嚮其賢

聶氏陳丕禮之妻年三十二而寡時孤啓邁甫及龀督之就學日  
必爲程其術業一言動皆痛繼之啟邁亦重自奮勵用顯於時

武陵縣志

卷三十一

七三

金氏楊彝珍之妻值己酉歲大祲死徙充道族中三千指皆將就  
殍氏贊其夫計日日廩三十錢盡兩月乃止又披田十餘畝  
付宗人出納其租以爲異日之備人莫不賢之



孝婦

周氏陳體元妻繼姑孔氏性卞急少拂意氏輒跪床下俟姑意解乃起

袁氏丁希進妻姑久卧病目又瞽氏與娣吳氏理髮扇枕歷从不倦人稱雙孝婦

張氏康方仁妻嘗割肱肉和藥愈姑目疾

王氏前羅源令陳悌妻悌患痼疾氏割股和藥進悌卒不起氏撫其遺孤在璣以守後在璣登進士

顧氏陳某之妻歸陳年二十寡撫孤成立翁病篤氏割股愈之

熊氏楊光鴻之妻事姑最孝適姑疾危割肱肉爲糜以進疾遂瘳

武陵縣志

卷二十二

七

才女

陳氏朝蕙陳養元女幼襲父兄之教能詩夫故屏鉛華不御撰著爲多

覃氏光瑤覃志京女歸武昌崔氏幼慧解聲律刊有玉芳詩草四卷

王氏大理人胡蔚納爲繼室知書能詩淡化彭翥爲梓其遺詩

胡氏竹仙事母至孝遇母不可意事輒作孺子戲博母歡會母病危亟引小婢入別室授以刀令割已左肱婢怯怒奪刀自

割之肉片落血涔涔然遂撥肉雜藥進母病已後歸能經歷士祿年三十卒有韻梅閣詩草

